

UTUMIKI WATHU WA UMAMBO

NTHANDA YA BWINJA YA 2014

SUMANA 14 YA BWINJA

Nyimbo 114 na Phembero

Pfundziro ya Bhibhlyya ya Mpingo:

my nsolo 18, 19 (mph. 30)

Xikola Ya Utumiki Wa Mulungu:

Kuleri Bhibhlyya: Eksodo 11-14 (mph. 10)

N.º 1: Eksodo 12:37-51 (mph. 4 peno zakucepa)

N.º 2: Kodi Yezu Ndi Mulungu?—bh nsolo 4 ¶10-14 (mph. 5)

N.º 3: Yezu Apfundzisanji Pikhakhala Iye Pa Dzikayo Yapantsi?—bh nsolo 4 ¶15-17 (mph. 5)

Nsonkhano Wa Basa:

Nyimbo 100

Mph. 15: Phatisirani Mwadidi Anuário de 2014.

Nkhani yakucedza. Dingani “Tsamba Ya Mathubo Akutonga.” Phembani anyakubvesera toera alonge ntsonga zikulu za lipoti ya dziko yonsene yapantsi. Pakumalisa, wangisani onsene toera kuleri Anuário wawo.

Mph. 15: “Kuthimizira Maluso Athu Mu Utumiki—Kukhala Nyakuperekera Wakuphedza.” Nkhani yakucedza. Mwacigwagwa pangizani pitsandzo piwiri pinapangiza nyakuperekera wakuti nkhabe phedza mwadidi ndzace. Pakumala kwa citsandzo cibodzi na cibodzi, phembani anyakubvesera toera kulonga kuti nyakuperekera mbadatsalakanana tani mwadidi nkhani inei.

Nyimbo 45 na Phembero

Kuthimizira Maluso Athu Mu Utumiki—Kukhala Nyakuperekera Wakuphedza

Thangwi Yanji Mphyakufunika: Yezu adzindikira kufunika kwa kumwaza mphangwa na nyakuperekera. Natenepe, pidatuma iye anyakupfundzace akukwana 70 toera kuenda patsogolo pace na kumwaza mphangwa, iye aatuma awiri awiri. (Luka 10:1, *Tradução do Novo Mundo*) Nyakuperekera anakwanisa kuperekera ciphedzo cakufunika kwa m'mwazi mphangwa ndzace angathimbana na makhaliro akunentsa peno angacimwana kutawira mwanaciro nyumba. (Koel. 4:9, 10) Iye anakwanisa kulonga pyakugumana napyo pyace, m'midzidzi inango mbaperekera maonero aku-

ti anaphedza ule anaphata na iye toera kukhala m'mwazi mphangwa waluso. (Mis. 27:17) Anakwanisambo kuwangisa ndzace mu kulonga mafala akuwangisa pakubuluka panyumba kuenda panyumba inango.—Afil. 4:8.

Tinacita Tani Pyenepi:

- Bveserani munaperekera ndzanu umboni. (Tgo. 1:19) Mu ndzidzi unalerwi Bhibhlyya, totezerani m'Bhibhlyya yanu. Pyenepi pinakukhunganyani toera kuperekera ciphedzo pa ndzidzi wakufunika.
- Phatisirani ndzeru toera kuona kuti ndi ndzidzi upi unafunika imwe kulonga. (Mis. 25: 11) Mungaperekera m'mwazi mphangwa ndzanu toera kacitisa pfundziro ya Bhibhlyya, maonero anu akucepa anaphedza kakamwe. Mbwenye pakumwaza mphangwa nyumba na nyumba, panango ndzanu analazafuna kuti munsie alonge khala ndi ndzidzi wace wakulonga. Natenepe, khala ndi m'mwazi mphangwa mupswa, peno nkhabbe diziwa kuti anatawira tani mbvundzo peno kupokanywa, anadzaperekera takhuta na ciphedzo canu. Mwakukhonda tsalakana khala mukuperekera m'mwazi mphangwa m'basa ya nyumba na nyumba, ulendo wakubwereza, peno pfundziro ya Bhibhlyya, lekani kugwandira mafala, kulonga pizinji, peno kulonga mphangwa zakusiyana na zinadinga ndzanu.
- Longani pyakugumana napyo pyanu. Midzidzi inango mungafuna kupasa maonero ndzanu anaphata na imwe toera kuthimizira luso yace mu utumiki, lekani kunyinyirika. (Mis. 3:27) Pa ndzidzi wakuthema munakwanisa kulonga: “Ndi api maonero anu pa nkhani idadinga imwe?” peno, “Ndiri na maonero pang’ono!” peno, “Ine ndisacita tenepa.” Kumbukani kuti, maseze anthu asakomerwa angapaswa maonero m'midzidzi inango, iwo anafewa manungo angapanigiza madodo onsene anacita iwo.

Yeserani Kucita ipi Nkati mwa Nthanda:

- Mungamala kuphata basa mu utumiki na ndzanu, mpangeni ninji pidalonga iye na pidacita iye pyakuti pyancitisa kukhala nya-kuperekera wakuphedza kakamwe.

SUMANA 21 YA BWINJA

Nyimbo 132 na Phembero

Pfundziro Ya Bhibhlya Ya Mpingo:

my nsolo 20, 21 (mph. 30)

Xikola Ya Utumiki Wa Mulungu:

Kuleri Bhibhlya: Eksodo 15–18 (mph. 10)

N.º 1: Eksodo 15:20–16:5 (mph. 4 peno zaku-cepa)

N.º 2: Makhaliro Akukomeresa A Yezu—*bh* nso-lo 4 ¶18, 19 (mph. 5)

N.º 3: Ndi Mu Njira Ipi Yezu Akhali Citsando Ca Kubvera Mulungu Mwakukhulupirika?—*bh* nso-lo 4 ¶20–22 (mph. 5)

Nsonkhano Wa Basa:

Nyimbo 27

Mph. 10: “Gumanyiza Anthu.” Mibvundzo na matawiyo.

Mph. 10: “Ncemerero Wakupambulika.” Mi-bvundzo na matawiyo. Pasani ncemerero anya-kubvesera onsene, khala iripo, na dingani nce-merero. Dziwisani mpingo kuti kampanya inatoma lini, pontho longani masasanyiro ada-citwa toera kugawira micemerero mu cisa co-nsene. Mwacigwagwa pangizani citsando ci-bodzi.

Mph. 10: “Pangizani Makhaliro Adidi Pakati Pa Anthu Akunja.” Mibvundzo na matawiyo. Po-ntho dingani “Pikumbuso Pya Nsonkhano Wa Gavo Wa 2014,” na tsamba idatumizwa ku mi-plingo yonsene ya ntsiku 3 ya Malimwe ya 2013, inalonga pya citsidzikizo pa kugumanika pa ma-programu auzimu.

Nyimbo 125 na Phembero

“Pangizani Makhaliro Adidi Pakati Pa Anthu Akunja”

¹ Pyaka pyonsene anthu asatunduka mu ndzi-dzi wa misonkhano yathu ya gavo, natenepa, makhaliro athu asafunika kupangiza mwadidi Mulungu analambira ife. (Lev. 20:26) Makha-liro athu adidi, mabvaliro athu na mak-hunganyikiro athu asafunika kupangiza pakwe-ca kuti ndife atowereri andimomwene a Kristu.

1. Thangwi yanji tisafunika kupangiza makhaliro adi-di mu ndzidzi wa misonkhano ya gavo na ya dziko ypnnsne?

Mu ndzidzi unagumanika ife pa nsonkhano wa gavo na wa dziko yonsene, tinakwanisa tani ‘kupangiza makhaliro adidi pakati pa anthu akunja’ na kupasa mbiri Babathu wakudzulu? —1 Ped. 2:12, *Tradução do Novo Mundo*.

² **Pangizani Makhaliro Acikristu:** Ufuni unapangiza ife kwa unango na ndzace na kutsalakana kwathu ‘anthu akunja’ ndi pyakusiyana kakamwe na nzimu wa kupondererana wa dziko. (Akol. 3:10; 4:5; 2 Tim. 3:1-5) Tisafunika kupangiza ntima wadidi na wakupirira munaci-ta ife pinthu na anyabasa a pa oteli na mu re-stauranti, ngakhale pangaoneka makhaliro akun-entsa. Makhaliro adidi asaphembambo kupasa sagwati anyabasa khala mphyakudzolowereka.

³ Anyakubala asafunika kuonera mwadidi anawo pa nsonkhano wa gavo, mu restauranti, na pa oteli. (Mis. 29:15) Nkazi m’bodzi wakuti ndi muyang’aniri wa oteli apanga banja inango: “Ife tisakufunani kakamwe. Mabanja anu na ananu asapangiza makhaliro adidi na cilemedzo. Anyabasa onsene akhalonga pya imwe, ti-khafuna kuti mugumanike pano pakumala kwa masumana onsene.”

⁴ **Nguwo Zakuthema:** Mabvaliro athu tinga-gumanika pa nsonkhano wa gavo asafunika akhale akuthema na akulemedzeka, tayu ku-pangiza ntundu wa mabvaliro a dziko. (1 Tim. 2:9) Mbwenye mabvaliro athu pa ndzidzi una-fika ife kwene pa oteli, pa ndzidzi wakupuma pakumala kwa programu peno mbidzati ku-toma tisafunika kucalira maonekero akukhonda thema. Natenepa, tinadzakomerwa ku-bvala makaraxa athu, mbatikhonda kukhala na manyadzo toera kuperekwa umboni tingakhala na mwai wakucita pyenepi. Maonekero athu na makhaliro athu adidi mu ndzidzi unagumanika ife pa misonkhano inafuna kudza nee ana-dzatundusa anthu a ntima wadidi basi tayu ku mphangwa zakupulumusa umaso zinagumanika m’Bhibhlya, mbwenye anadzakomeresa Ya-hova.—Sof. 3:17.

2. Ndi miyai ipi inafuna kudzakhala na ife toera ku-pangiza makhaliro Acikristu mu ndzidzi wa nsonkhano?
3. Kodi anyakubala asakumbuswa toera kucitanji? Thangwi yanji?
4. Tinatsalakana tani maonekero athu mu ndzidzi unagumanika ife mu cisa cinacitwa nsonkhano wa gavo?

Tsamba Ya Mathubo Akutonga

Anyabasa Andzathu Akufunika:

Tiri akutsandzaya kakamwe kukulemberani pa kutoma kwa caka cino cakufunika kakamwe! Mpaka kunkhomo kwa caka 2014, Mambo wathu wakufunika, Yezu Kristu anadzakwanirisa pyaka dzana kubulukira pa ndzidzi udatoma iye kutonga pakati pa anyamalwa ace.—Sal. 110:1, 2.

Pakutoma kwene kwa caka cino ca basa, pa nsonkhano wa caka wa *Sociedade Torre de Vigia de Bíblias e Tratados de Pensilvânia*, Komiti ya Bbibhlya ya *Tradução do Novo Mundo* yabulusa Bbibhlya idasasanyirwa papswa mbithumburuzwa mwadidi kakamwe n'Cingerezi, yakuti isagumanika kwa anthu onsene. Yahova aphatisira anace adabalwa na nzimu toera kulemba Bbibhlya yakutoma ya *Tradução do Novo Mundo*. (Arom. 8:15, 16) Ntsonga ineyi basi, isacitisa Bbibhlya ineyi kukhala yakupambulika, nee musatawira pyenepi?

Mu pyaka pizinji, Komiti Yakulemba ya Mathubo Akutonga isaikha pa mbuto yakutoma basa yakuthumburuza Bbibhlya. Lero, Bbibhlya ya *Tradução do Novo Mundo* yonsene peno khundu ibodzi isagumanika mu pilongero pyakukwana 121. Tisakuwangisani toera kupangiza kuna Yahova kuti musapasa ntengo kakamwe Bbibhlya iri na imwe. Ilerini mbamunyerezera mwacidikhodikho ntsiku zonsene. Natenepa, munadzafendedzera cifupi Mwanaciro, Yahova Mulungu.—Tgo. 4:8.

Tisakhuyiwa kakamwe tingabva pya nyatwa zinagwerwa na abale na alongo athu akufunika. Mwandimomwene, midzidzi inango pisakhala pyakunentsa kwa iwo kutsandzaya pabodzi na abale awo. Mwacitsandzo, ku Azya, umaso wa banja inango wacinja kakamwe pa ndzidzi wakuti mama wa banja nkhabe kwanisabve kucita cinthu. Anyakudziwa pya ungumi ayesera pyonsene, mbwenye acimwana kucinja makhaliro. Ndi pyakutsukwailisa kakamwe! Cincino, mamuna asatsalakana nkazace masiku na masikati. Mwanawo wamamuna na anango awiri acikazi asapangiza citsandzo cadidi kakamwe ninga Akristu mu kutsalakana anyakubala awo mwaufuni. Banja yadidi ineyi na imwe monsene akuti musapembera pakuthimbana na nyatwa zakusiyana-siyana munakwanisa kukhala akukomerwa kubulukira mu kupirira mayesero a cikhulupiro canu. (Tgo. 1:2-4) Yahova asapasa cinyindiro Akristu akudzodzwa na mabira anango kuti tinadzakomerwa na kudziwa kuti tapitiriza kupirira nyatwa, thangwi tinadzapaswa nkhombo ya umaso wakuhonda mala!—Tgo. 1:12.

Caka cidamala, anthu akukwana 19.241.252 agumanika pa Cikumbuso. Mphyakuwanga kakamwe kuona anthu azinji mbakuza Yahova na Yezu Kristu mu kugumanika pa nsonkhano unoyu wakufunika kakamwe pacaka kwa atumiki a Mulungu! Mu ndzidzi wa Cikumbuso, yabveka fala ikulu yakusimba Yahova mu ndzidzi wakuti pikwi na pikwi pya anthu atumikira ninga apainiya akuphedza mu nthanda ya Murope na Bwinja.

Mphyakuwangisa kakamwe! Kodi nee mwakomerwa kudziwa kuti ale anatumikira ninga apainiya akuphedza mu ndzidzi wa kucedzerwa na muyang'aniri wa cisa anakwanisa kugumanika pa nsonkhano onsene unacita iye na apainiya a ndzidzi onsene, ngakhale kuti kucedzerwa kweneku nee kunacitwa mu nthanda ya Murope na Bwinja? Anthu a maonero auzimu asadzindikira ntengo wakupitiriza kukhala akuwanga m'basa yakumwaza mphangwa na mabasa anango m'mpingo. Kukhala na basa izinji toera kucita kusatiphe-dza toera kupitiriza kukhala akuwanga nee kufewa, mbatipingiza mayesero a Dyabo toe-ra kufewesa cikhulupiro cathu na kutipeusa.—1 Akor. 15:58.

Ndi pyakuwangisa tani kudziwa kuti mu caka ca basa cidamala, anthu akukwana 277.344 apangiza kuperekeka kwawo mu kubatizwa m'madzi, akuti lero ali munjira ya ku umaso wakukhonda mala pabodzi na abale awo a dziko yonsene! (Mat. 7:13, 14) Anthu apswa anewa asafuna ciphedzo cathu toera akhale 'akuwanga mu cikhulupiro.' (Akol. 2:7) Pitirizani kuwangisana unango na ndzace toera kupirira mpaka kumala kwa pyonse-ne. (Mat. 24:13) 'Longani mwakuwangisa kwa ale akuti ali akutsukwala, balangazani ale akuti ndi akufewa, phedzani ale anasowa mphambvu, khalani akukhurudzika kuli anthu onsene.' (1 Ates. 5:14) Pakumalisira, tendeni tonsene 'ticite phembero mwakukhonda phonya' mbatilonga: "Umambo wanu mbudze."—1 Ates. 5:17; Mat. 6:10, *Tradução do Novo Mundo*.

Taphata miyendo, komerwani na kuleri bukuhi iyi, ponho dziwani kuti tisafuna m'bodzi na m'bodzi wa imwe akuti musafuna Yahova!

Abale anu,
Mathubo Akutonga a Mboni za Yahova

Pikumbuso Pya Nsonkhano Wa Gwo Wa 2014

■ **Midzidzi Ya Nsonkhano:** Misuwo inadza-fungulwa pa ndzidzi 7:00 wa kumacibese. Mu ntsiku zitatu za nsonkhano, nyimbo za-malimba zinatoma pa ndzidzi 8:20. Pa ndzidzi unoyu, tonsene tisafunika tikhale m'mipando yathu toera nsonkhano utome mu-njira yakulemedzeka. N'Cixanu na n'Sabu-du, nyimbo na phembero yakumalisa inadzacitwa pa ndzidzi 3:55 wakumaulo, mbwe-nye n'Dimingu inadzacitwa pa ndzidzi 2:50 wakumaulo.

■ **Misonkhano Ya Madziko Onsene:** M'mbuto zinango munadzacitwa misonkhano ya madziko onsene. Kumbukani kuti ofesi ya filiali yaphemba kale mipingo na anthu a madziko akunja pakumala kuona numero ya mipando, pakuikha miotokala, na ma-kwartu a maoteli. Anthu ananjipa amwazi mphangwa angaenda ku nsonkhano wa madziko onsene wakuti nee acemerwa. Khala musafuna kugumanika pa nsonkhano una-ngo kusiyapo nsonkhano wanu, lekani kusankhula nsonkhano wa madziko onsene.

■ **Pakuikha Miotokala:** Pa mbuto zonsene za nsonkhano wa gwo zinatawirisa ife ku-ikha miotokala, ale akuti ali na miotokala yawo anadzaiikha mwakukhonda lipa mwa-kubverana na ndzidzi unafika iwo. Nakuti mbuto zakuikha miotokala ndi zakucepa, pinakhala pyadidi anthu azinji kuphatisira motokala ubodzi ene pingakwanisika.

■ **Kukoya Mbuto Zakukhala:** Misuwo ingafungulwa namacibese, taphata miyendo, lekani kuthamanga toera kusankhula mbuto zadidi zinafuna imwe ninga kuti mukupikisana na andzanu. Ntima wakudzima-na usatikulumiza toera kuikha patsogolo udidi wa anango, pyenepi pisapangiza kuti ndife Akristu andimomwene, ponho pisakulumiza anyakutiona toera kusimba Mulu-nku. (Jwau 13:34, 35; 1 Akor. 13:4, 5; 1 Ped. 2:12) Mbuto zingakwanise kukoyerwa basi ene ale anaenda na imwe m'motokala ubodzi ene, ale anakhala na imwe panyumba ibodzi ene peno ale anacitira imwe pfundziro ya Bhhlyha. Mbuto zinango zakoyerwa

ankhalamba na anyakulamala. Nakuti mbuto zenezi ndi zakucepa, munthu m'bodzi peno awiri basi adasankhulwa toera kuone-ra nkhalamba peno nyakulamala, anakwani-sa kukhala naye pabodzi.

■ **Cakudya Camasikati:** Taphata miyendo bweresani cakudya canu camasikati kuti mu-khonde kusiya mbuto ya nsonkhano toera kuenda kasaka cakudya pa ndzidzi wakupu-ma. Munakwanisa kuphatisira sestu ing'ono yakuti inakwana pantsi pa mpando wanu. Nkhabe tawiriswa kuphatisira masesu ma-kulu anaphatisira ife pa kaphwando na aci-bale peno pyombo pya vidru pa mbuto ya nsonkhano wa gavo.

■ **Pyakupereka:** Tingakwanise kupangi-za kupereka takhuta mukucita pyakupereka pyathu mwafulu pa nsonkhano wa gwo toera kuphedza basa ya dziko yonsene yapa-ntsi. *Cheque* zonsene zisafunika kulembwa mu dzina ya "Associação das Testemunhas de Jeová de Moçambique."

■ **Mitombwe:** Khala mwalembewa mito-mbwne na dotoro toera kumwa, taphata miyendo lekani kuiduwala, thangwi pa nsonkhano wa gwo nkhabé kudzagumanika mitombwe.

■ **Citsidzikizo:** Taphata miyendo, citani mpholembole toera kucalira kuphekeka thangwi ya kugwa. Pyaka pyonsene anthu asakuwazika thangwi ya ntsapato. Mphya-didi kusankhula ntsapato zakuthema, zaku-kwana mwadidi zakuti zinadzakuphedorani toera kufamba mwadidi.

■ **Formularyu Queira Visitari (S-43):** Ti-safunika kuphatisira formularyu *Queira Vi-sitar* (S-43) toera kulemba mphangwa za onsene adapangiza kukomerwa thangwi ya umboni wantsusukano udaperekira ife nkati mwa nsonkhano wa gwo. Munakwanisa ku-pereka maformularyu akulembwa ku Mbuto Inakoyerwa Mabukhu peno kuna mule-mbi wa mpingo wanu mungabwerera ku nsonkhano.

■ **Masasanyiro A Mbuto Zakugona:** Ntsiku ya nsonkhano mbidzati kufika, De-partamentu Ya Masasanyiro A Mbuto Za-kugona isatoma kuphata basa toera kucita masasanyiro a kutsalakana onsene

anaphemba pakugona. Masasanyiro anewa asathimizira kutsandzaya kwa kukhala pabodzi ninga Akristu. Mbwenye, kudziwa kuti pinthu pyonsene pisafunika pifambe ‘mwakuthema na mwakundendemera’, pontho kuti pyenepi pisaphataniza ukhali wadidi wa anango, pasafunika pikumbuso pingasi. Ale akuti ndi alendo panyumba za abale asafunika kukomerwa na pire pinapaswa iwo pabodzi na kubverana mu pinthu pinaphembwa iwo. Pontho, citani pyonsene toera musiye kwartu yakucena ntsiku zonsene mbamudzati kuenda ku nsonkhano, pontho pakupangana toera kubwerera kunyumba. Kukhala mulendo panyumba ya m’bale nkhabé malisa basa yathu yakusaka pyakudyá pyathu pyene na motokala wa kuenda nawo ku nsonkhano. Natenepa, m’bodzi na m’bodzi asafunika kucita masasanyiro ace. Kubverana na kubvesesa kwanu mu pinthu pyenepi kunadzacitisa mwanaciro nyumba kupangiza khodzo yace mwakufuna, tayu mwaku-kakamizika. Midida ineyi isaphatisirwambo kwa ale anafikira pa mbuto ya nsonkhano. Iwo asafunika kubverana na akalindi toera kusiya mbuto ya nsonkhano wa gawo yakucena ntsiku zonsene.—1 Akor. 14:40, *Chiverano Chachinchino*.

■ **Basa Yakuperekeka:** Munthu onsene anafuna kuphedza asafunika kulonga na Departamentu ya Basa Yakuperekeka pa nsonkhano wa gawo. Ana akukhonda kukhala na pyaka 16, anakwanisambo kuphedza mwadidi mukuphata basa cifupi na anyakubalawo, cifupi na nyakuaonera peno cifupi na munthu wathunga adatawiriswa na anyakubala toera kuaonera.

■ **Ubatizo:** Anyakufuna kubatizwa asafunika kukhala pa mbuto idasankhulwa toera iwo akhale programu mbidzati kutoma n’Sabudu namacibese. Onsene adatawirwa toera kubatizwa asafunika kubweresa nguwo *zakuthema* za ubatizo na tuwalya. Nduli, anango akhabvala nguwo zakukhonda thema zakutti zikhadodomesa ndzidzi wa ubatizo. Akulu a mpingo angacita mibvundzo ya ubatizo m’bukhu ya *Organizados*, asafunika kuonesesa khala anyakufuna kubatizwa abvesesa mwadidi nkhani ineyi pabodzi na midida ya Bbibhlyia inalonga pyenepi.

“Gumanyiza Anthu”

¹ Pidamala iwo kwene kubuluka mu Ejito, Yahova apanga Mose toera “kugumanyiza anthu” pa Phiri ya Sinai kuti abve mafala Ace toera akwanise Kungopa na kupfundzisa anawo njira Zace. (Deut. 4:10-13, *Tradução do Novo Mundo*) Unoyu ukhali ndzidzi wakutsandzayisa kakamwe na wakuwangisa cikhulupiro! Mu nthanda zinatowerera, atumiki a Yahova anadzagumanyikana m’misonkhano ya gawo na ya dziko yonsene toera kupfundziswa na Yahova. Tisafunika kucitanji toera kuphindula kakamwe?

² **“Khunganyikaní”:** Yahova apanga Aisraele kuti ‘akhunganyike’ toera kugumanika pa nsonkhano unoyu pa Phiri ya Sinai. (Eks. 19:10, 11) Munjira ibodzi ene, kukhunganyika mwadidi ndi kwakufunika kwa onsene anafuna kugumanika pa nsonkhano wa gawo, tayu basi kwa ale anafuna kudzacita khundu mu programu. Mwacitsandzo, azinji anadzafuna kubulusa ferya kubasa kwawo. Panango makhaliro anu ndi akulandana na a Nehemiya. Iye akhafuna kusiya basa yace ninga nyakupereká pyakumwa kuna Mambo Artaksersi, toera kuenda ku Yerusalemu kuti akaphedze kumangwa papswa kwa malinga, mbwenye iye akhadziwa kuti panango mambo nee mbadatawira. Nehemiya acita phembero, buluka penepo mwacipapo acita phembo yace mu kuphatisira mafala adidi. Mambo antawirisa kuenda, ngakhale kumpassa ciphedzo toera kutsalakana basa yakumanga. (Neh. 2:1-9) Kusiyapo kuphemba ferya kuna patrau wanu, mwacita kale masasanyiro a uleando wanu na panafuna imwe kufikira? Akulu a mpingo anadzakomerwa kuphedza ale anafuna ciphedzo. Citani masasanyiro toera kufika nakweru, na kukhunganyika toera ‘kubversa mwacidikhodikho’ pinafuna imwe kubva. —Aheb. 2:1.

³ Khundu inango ya kukhunganyika kwathu ndi kukhunganya ntima wathu toera kubvesera na kupfundza. (Esd. 7:10) Programu ya nso-

1. Kodi misonkhano ya gawo na ya dziko yonsene yalandana tani na kugumanyikana kwakutsandzayisa kudacita Aisraele pidamala iwo kwene kubuluka mu Ejito?
2. Tisafunika kucitanji toera ‘kukhunganyika’ nsonkhano wathu wa gawo?
3. Ninji cinafuna kutiphedza kukhunganya ntima wathu ku programu ya nsonkhano?

nkhanu inadzaikhwa mwanyapantsi mu *Website* jw.org, pontho inadzapangiza misolo ya nkhani zonsene na lemba ibodzi peno mawiri a ntsonga zikulu za nkhani ibodzi na ibodzi. Zenezi ndi mphangwa zadidi toera kuzidzinga pa Kulambira kwathu kwa Banja namaulo m'masumana anatowerera nsonkhano wathu wa gawo. Amwazi mphangwa anango asadhinda ndandanda mbaiphatisira toera kuona ntsonga zingasi zinafuna kudingwa pa nsonkhano.

4 'Pfundzisani Ananu': Cifuno cibodzi ca nsonkhano udacitwa pa Phiri ya Sinai cikhalii kuti anyakubala Aisraele 'apfundzise anawo.' (Deut. 4:10) Nsonkhano wa gawo usapasa anyakubala, mwai wakufunika kakamwe toera kucita pibodzi pyene. Anyakubala asafunika akhale pabodzi pene na anawo nkati mwa nsonkhano

4. Kodi anyakubala anaphatisira tani nsonkhano wa gawo toera kupfundzisa anawo?

Ncemerero Wakupambulika

¹ Nyerezerani kuti musafuna kuphikira axamwali anu peno acibale anu cakudya cakupambulika, cakuti musafunika kuwangisira kakamwe toera kucikhunganya, mwakukhonda penula munakhala wakugalamuka kakamwe pa kuacemera. Munjira ibodzi ene, basa izinji ikucitwa toera kukhunganya phwando yauzimu inafuna kudzaperekwa pa misonkhano ya gawo na ya dziko yonsene mu caka 2014. Masumana matatu mbudzati kufika nsonkhano wathu wa gawo tinadzakhala na mwai wakucemera anango toera kugumanika pa nsonkhano. Ninji pinafuna kutiphedza toera kukhala akugalamuka pa kucemera anango?

² Kunyerezera mwadidi kuti anthu asaphindula tani na phwando yauzimu inaperekwa Yahova pa misonkhano yathu ya gawo, kunatikulumiza toera kucita khundu mwakukwana mu kampanya. (Iza. 65:13, 14) Tisafunikambo kukumbukira kuti kampanya inacita ife pacaka isabweresa maphindu. Anango anafuna ife kucemera anadzagumanika pa nsonkhano pabodzi na ife. Mwakukhonda tsalakana kuti mbangasi anafu-

1. Kodi kampanya yakugawira micemerero ya misonkhano ya 2014 inadzatoma lini?
2. Ninji cinafuna kutikulumiza toera kucita khundu mwakukwana mu kampanya?

na kuaphedza toera kubvesera mwadidi. Pakumala kwa ntsiku ibodzi na ibodzi ya nsonkhano, peno mu ntsiku za ntsogolo pa kulambira kwavo kwa banja, mabanja anakwanisa kudingga pabodzi pidapfundza iwo.

⁵ Nsonkhano ukulu udacitwa pa Phiri ya Sinai, waphedza Aisraele toera kupasa ntengo mwai wawo wakupambulika wakukhala mbumba ya Mulungu. (Deut. 4:7, 8) Nsonkhano wathu wa gawo unafuna kudza uli na cifuniro cakutiphindulisa mu njira ibodzi ene. Mu ntsiku zitatu, tinadzakwanisa kukhala kunja kwa dziko ya Sathani, na kutsandzaya na ciwangiso cauzimmu pabodzi na kugumanyikana kwakuwangisa mu paradizu yathu yauzimu. (Iza. 35:7-9) Nakuti ntsiku ya Yahova iri cifupi kakamwe, nee tisafunika kuduwa mwai unoyu toera kusonkhana na kuwangisana!—Aheb. 10:24, 25.

5. Tinaphindula tani kubulukira mu kugumanika pa nsonkhano unafuna kudza?

na kugumanika, kuwangisira kwathu mu ndzidi wa kampanya kunadzasimba Yahova na kuwangiza kupasa kwace mwakudzala manja.—Sal. 145:3, 7; Apok. 22:17.

³ Nsoka ubodzi na ubodzi wa akulu a mpingo unadzaona kuti mpingo unakwanisa tani kugawira micemerero mu cisa consene, kuphatanizambo pitsogolero pya kusiya micemerero pa nyumba zinakhonda kugumanika anthu peno kugawira pakuperekwa umboni m'mbuto zapakweca mu cisa ca mpingo. Pakumala kwa sumana tisafunika kugawira marevista pabodzi na micemerero, khala ndi pyakuthema. Sabudu yakutoma ya nthanda ingakhala pakati pa kampanya, tisafunika kugomezera kugawira micemerero, mbuto mwa kutomesa mapfundziro a Bhibhlya. Pakumala kwa kampanya, tinadzakomerwa kudziwa kuti tawangisira kakamwe toera kukhala akugalamuka pa kucemera anthu azinji toera kugumanyikana na ife pa phwando yauzimu idakhunga-nya Yahova!

3. Tinadzagawira tani micemerero?

Munadzalonganji?

Pakumala kumwanyika, munakwanisa kulonga: "Tikucita khundu mu kampanya yakuti ikucitwa pa dziko yonsene toera kucemera anthu kuti agumanike pa cakucitika cakufunika kakamwe. Ntsiku, ndzidzi na mbuto pyalembwa mu ncemerero uyu."

SUMANA 28 YA BWINJA

Nyimbo 35 na Phembero

❑ Pfundziro Ya Bhibhlyya Ya Mpingo:

my nsolo 22, 23

❑ Xikola Ya Utumiki Wa Mulungu:

Kuleri Bhibhlyya: Eksodo 19-22 (mph. 10)
Kubwerezera Kwa Xikola Ya Utumiki Wa Mulungu (mph. 20)

❑ Nsonkhano Wa Basa:

Nyimbo 113

Mph. 5: Kutomesa Pfundziro Ya Bhibhlyya Pa

Sabudu Yakutoma. Nkhani. Longani masasanyiro adacitwa a basa ya m'munda pa Sabudu yakutoma ya Gonkho, wangisani onsenetorea kucita khundu. Mwacigwagwa pangizani citsandzo mu kuphatisira njira za maperekero aumboni pa tsamba 12.

Mph. 15: "Makhaliro Akutundusa a Matrata-do Mapswa!" Mibvundzo na matawiyo. Pangizani pitsandzo piwiri pyakuti tinagawira tani ibodzi mwa matratado mapswa m'basaya ya nyumba na nyumba, na tinapitiriza tani kucedza pakucita ulendo wakubwerezza kwa munthu adapangiza cifuno.

Mph. 10: "Vidyu Ipswa Toera Kutomesa Mapfundziro a Bhibhlyya." Nkhani. Pangizani vidyu ineyi, peno kuliza audyo yace. Phembani anyakubvesera toera kulonga njira zinango zakuphatisira vidyu ineyi.

Nyimbo 75 na Phembero

Kubwerezera Kwa Xikola Ya Utumiki Wa Mulungu

Mibvundzo inatowerera iyi inadzadingwa pa Xikola Ya Utumiki Wa Mulungu nkati mwa sumana inatoma pa ntsiku 28 ya Bwinja ya 2014.

1. Ninji pidaphedza Zuze toera kuthawa mba-khonda kucita ulukwali na nkazi wa Putifare? (Gen. 39:7-12) [3 ya Mur., w13-T 15/2 tsa. 4 ndima 6; w07-T 15/10 tsa. 23 ndima 16]
2. Thangwi yanji Zuze ndi citsandzo cadidi kwa ale anathimbana na kutcingwa peno nyatwa? (Gen. 41:14, 39, 40) [10 ya Mur., w04-T 15/1 tsa. 29 ndima 6; w04-T 1/6 tsa. 20 ndima 4]
3. Ninji pidacitisa Zuze kubvera ntsisi abaleace? [17 ya Mur., w99-T 1/1 tsa. 30 ndima 6-7]

4. Kodi dzindza ya Benjamini yakwanirisa tani profesiya inagumanika pa Genesi 49:27? [24 ya Mur., w12-T 1/1 tsa. 29, bokosi]
5. Kodi lemba ya Eksodo 3:7-10 isatipfundzisanji thangwi ya Yahova? [31 ya Mur., w09-T 1/3 tsa. 15 ndima 3-6]
6. Kodi Yahova acita tani pinthu mwakubverana na dzina yace ikulu mu ntsiku za Mose? (Eks. 3:14, 15) [31 ya Mur., w13-T 15/3 mата. 25-26 ndima 5-6]
7. Mwakubverana na Eksodo 7:1, kodi Mose acitiswa tani kukhala "Mulungu kuli Farao"? [7 ya Bwin., w04-T 15/3 tsa. 25 ndima 7]
8. Ngakhale kuti akhaona mphambvu ya Yahova idaaombola ku Ejito, ndi makhaliro anji adapangiza Aisraele mu kupita kwa ndizidzi, mphapo ndi ntsonga ipi inapfundza ife? (Eks. 14:30, 31) [14 ya Bwin., w12-T 15/3 mата. 26-27 ndima 8-10]
9. Thangwi yanji fala yakuti "padzulu pa maphapido ace" ndi yakuthema toera kumpangiza citsalakano caufuni cidapangiza Yahova kwa dzindza ya Israele? (Eks. 19:4) [28 ya Bwin., w96-T 15/6 tsa. 10 ndima 5-tsa. 11 ndima 2]
10. Ndi munjira ipi Yahova asatcinyusa, peno 'asaonesa nyatwa adzukulu' thangwi yakudawa kwa ababa? (Eks. 20:5) [Apr. 28, w04-T 15/3 tsa. 27 ndima 1]

Makhaliro Akutundusa a Matratado Mapswa!

¹ Matratado maxanu mapswa abuluswa pa Nsonkhano wa Gavo wa 2013 wa nsolo wakuti "Mafala a Mulungu ndi Undimomwene!" Mwakuthimizira, *Mphangwa za Umambo* N. ° 38, ya nsolo wakuti "Anyakufa Anakwanisadi kukhala Pontho Maso?" yaikhwambo pa ndandanda wa matratado. Matratado matanthatu anewa ali na makhaliro mapswa akutundusa. Thangwi yanji ali na makhaliro mapswa? Pa kuagawira m'basaya ya nyumba na nyumba, tinaphatisira tani makhaliro mapswa anewa?

² **Thangwi Yanji Ali Na Makhaliro Mapswa?** Kazinji kene kupereka umboni nyu-

1. Ndi maferamentu api a utumiki akuti ali na makhaliro mapswa?
2. Ndi cipi cifuniro ca makhaliro mapswa a matratado?

mba na nyumba kusaphataniza njira zinai: (1) Kucita mbvundzo toera kudziwa maone-ro na kutomesa makani. (2) Kudinga pinalo-nga Bhibhlya. (3) Kugawira mwanaciro nyu-mba bukhu toera kuleri. (4) Kusiya mbvundzo toera kuutawira pa ulendo unafuna kudza, na kucita masasanyiro a ulendo wakubwe-reza. Makhaliro mapswa a matratado asati-phedza kucita pyenepi mwakukhonda ne-ntsia.

³ Tinaaphatisira Tani? (1) Pakumala ku-mwanyika, pangizani mwanaciro nyumba mbvundzo wakusankhula matawiyo unagu-manika pa tsamba yakutoma, mbamu-phemba maonero ace. (2) Fungulani tratado, na dingani nsolo wakuti "Bhibhlya Isalonganji." Pingakwanisika, lerini lemba kubuluki-ra m'Bhibhlya. Mwanaciro nyumba angakhala na ndzidzi, dingani khundu yakuti "Pyenepi Pisabvekanji Kwa Imwe." (3) Gawirani trata-do, na muwangiseni toera kuleri makhundu anango a tratado. (4) Mbamudzati kubuluka, mpangizeni mbvundzo pa tsamba yakumalisa pa khundu yakuti "Nyerezerani," citani masasanyiro toera kudinga ntawiro wa Bhibhlya pa-ulendo unafuna kudza.

3. Tinagawira tani matratado mapswa mu utumi-ki?

Vidyu Ipswa Toera Kutomesa Mapfundziro a Bhibhlya

Vidyu yacigwagwa ya nsolo wakuti "Thangwi Yanji Tisafunika Kupfundza Bhibhlya"? ikufika kwa anthu azinji kubulukira mu jw.org. Vidyu ineyi iri na cifuniro caku-phedza anthu anapangiza cifuno toera kutawira pfundziro ya Bhibhlya yakukhonda lipa. Tinakwanisa kuona vidyu ineyi mu kupfinya pa "*Peça um estudo bíblico*" pa tsamba yakutoma mu Web site peno kucita *scan* pa cidzindikiro cinagumanika pa tsamba yakumalisa ya matratado athu mapswa. Awa ndi maone-ro mangasi toera kuphatisira mwadidi vidyu ineyi.

- Paulendo wakubwereza, pangani mwanaci-ro nyumba: "Ndikupangizeni vidyu yaci-gwagwa inapangiza kuti munagumana tani matawiyo a mibvundzo yanu ya Bhibhlya?"

⁴ Nkhabe nentsa kucita ulendo wakubwere-za. Phatisirani basi ene malemba anagumanika pa tsamba yakumalisa ya tratado toera ku-tawira mbvundzo wakumalisa udacita imwe paulendo wakutoma. Mbamudzati kubuluka, mpangizeni cithundzithundzi ca Bruxura *Mphangwa Zadidi*, pangizani mwanaciro nyu-mba bruxura na nsolo unalonga mphangwa zakulandana na zidadinga imwe, na kugawi-ra bruxura. Angaitambira, citani masasanyiro toera kudinga bruxura paulendo wanu unafu-na kudza. Tepa, mwatomesa pfundziro ya Bhi-bhlya! Munjira inango, mbuto mwa kugawira bruxura, munakwanisa kugawira tratado ina-ngo mbamucita masasanyiro toera kuidinga na mwanaciro nyumba.

⁵ Matratado asaphatisirwa mu utumiki wa-thu mu pyaka pyakupiringana 130. Maseze asakhala akusiyana, iwo asapangiza kukhala maferamentu akuphindulisa kakamwe pakupereka umboni. Tendeni tiphatisire mwadidi makhaliro mapswa toera kuitiriza ku-mwaza cidziwiso ca Bhibhlya pa dziko yonse-ne.—Mis. 15:7a.

4. Tinaphatisira tani matratado mapswa paulendo wakubwereza?

5. Kodi matratado ali na ntengo wanji mu utumi-ki wathu?

Angatawira, mpangizeni vidyu mu ntcini wanu peno wace.

- Tingagawira tratado ipswa pakupereka umboni wantsusukano peno umboni wapa-kweca, pangizani cidzindikiro na wangisani munthu unoyu toera kucita *scan* mu ntcini wace. Nakuti mu pilongero pizinji cidzindikiro ceneci cisapangiziratu vidyu mu *Web site* yathu, munakwanisa kumpangiza vidyu mwakucimbiza mu kuphatisira ntcini wanu.
- Pangani andzanu akubasa, akuxikola, aciba-le, na anango anadziwa imwe thangwi ya vidyu ineyi, mbamuperekeka toera kuapa-ngiza. Peno tumizani vidyu kuna munthu anafuna imwe toera kuiona.

Tingaphatisira masasanyiro mapswa anewa, tinakwanisa kutomesa mapfundziro mazinji a Bhibhlya, mbatiphedza mwauzimu 'ale akuti ali na cifuno cakukhala na umaso wakukhonda mala.'—Mach. 13:48.

SUMANA 5 YA GONKHO

Nyimbo 33 na Phembero

❑ Pfundziro Ya Bhibhlya Ya Mpingo:

my nsolo 24 (mph. 30)

❑ Xikola Ya Utumiki Wa Mulungu:

Kuleri Bhibhlya: Eksodo 23-26 (mph. 10)

N.° 1: Eksodo 25:1-22 (mph. 4 peno zakucepa)

N.° 2: Thangwi Yanji Tinakwanisa Kulonga Kuti Ciomboli Ndi Muoni Ukulu Kakamwe Udatambira Ife?—bh nsolo 5 ¶1-3 (mph. 5)

N.° 3: Adamu Aluzanji Mudakhonda Iye Kubvera Mulungu, Pyenepi Pisatkhuya Tani?—bh nsolo 5¶4-8 (mph. 5)

❑ Nsonkhano Wa Basa:

Nyimbo 117

Mph. 10: Kugawira Marevista Mu Nthanda ya Gonkho. Nkhani yakucedza. Tomani na kupangiza kuti marevista anagawirwa tani mu kuphatisira njira ziwiri zinagumanika pa tsamba ino. Buluka penepo dingani maperekero aumboni onsense bulukira akutoma mpaka akumalisa. Malisanu mu kuwangisa onsense toera kudziwa mwadidi marevista na kuagawira mwakugalamuka.

Mph. 10: Pyakufuna Pyapampingo.

Mph. 10: Ninji Pidakwanisa Ife? Nkhani yakucedza. Phembani amwazi mphangwa toera alonge kuti aphindula tani mu kuphatisira ntsonga za mu nsolo wakuti "Kuthimizira Maluso Athu Mu Utumiki—Kukhala Nyakuperekera Wakuphedza." Phembani anyakubvesera toera kulonga pyakugumana napyo pyadidi.

Nyimbo 103 na Phembero.

Pidziwiso

■ Mabukhu anafuna kugawirwa mu nthanda ya **Bwinja:** Marevista a *Ncenjezi* na *Despertai!*. **Gonkho na Khoni:** Kodi Mwandimomwene Biblya Isapfunzisanji?, peno ibodzi mwa matratado mapswa.

■ Ndandanda wa nsonkhano wa basa wa sumana inatowerera nsonkhano wanu wa gawo usafunika kucinjwa toera kudinga uphungu na pikumbuso pya *Utumiki* uno pabodzi na tsamba idatumizwa ku mipingo yonsene ya ntsiku 3 ya Malimwe ya 2013, inalonga pya citsidzikizo pa kugumanika pa maprogramu auzimu. Nthanda ibodzi peno ziwiri pakumala nsonkhano wanu wa gawo, khundu ya pyakufuna pyapampingo inaphatisirwa toera kudinga ntsoenga za nsonkhano wa gawo zakuti amwazi mphangwa aziona kukhala zakuphedza kakamwe mu utumiki.

■ Abale na alongo acitsandzo cadidi cauzimu, analonga mwadidi Cilolo na Cimakonde, akuti anakwanisa kuphedzera mabasa akuthumburuza, asaphembwa toera kulembera Ofesi Yakuthumburuza ya filiali toera kutambira mphangwa zakuthimizirika.

Maperekero Aumboni

Toera Kutomesa Mapfundziro a Bhibhlya pa Sabudu Yakutoma Ya Gonkho

"Tikucedza na anthu toera kudinga mbvundzo uyu wakufunika kakamwe. [Mpangizeni mbvundzo wakutoma pa tsamba yakumalisa ya *Ncenjezi 1 ya Gonkho*.] Ndi api maonero anu?" Dikhirani ntawiro. Dingani pabodzi mphangwa zinagumanika pa mbvundzo wakutoma, pontho lerini lemba ibodzi mwa malemba anagumanika mu ndima ineyi. Perekani marevista, pontho citani masasanyiro akubwera toera kudinga mbvundzo unatowerera.

NCENJEZI 1 ya Gonkho WAKUDIZWISA UMAMBO WA YAHVOA

Tikucedza na anthu thangwi azinji asafuna kudziwa pinthu pya ntsogolo. Musabva tani munganyerezera pya ntsogolo? Musakhala na cinyindiro, peno musadzdzumika? [Dikhirani ntawiro. Buluka penepo lerini ibodzi mwa malemba anagumanika pa bokosi "Kodi Mulungu Afokotozanji Thangwi Ya Tsogolo."] Revista iyi isapangiza pinthu pingasi pidapikira Mulungu kuti pinadzacitika, isafokotozambo thangwi yanji tinakwanisa kunyindira kuti pinadzacitikadi."

Despertai!® Maio

"Tikulonga na anthu toera kuona kuti tinathimbana tani na nyatwa yakutsukwala. Musaona kuti anthu ali akutsukwala kakamwe lero kupiringana kale? [Dikhirani ntawiro.] Azinji asaona kuti uphunganu unagumanika m'Bhibhlya usaaphedza toera kuthimbana na kutsukwala kwawo. Ici ndi citsandzo cibodzi. [Lerini Mateo 6:34.] Revista iyi isafokotoza kuti midida ya Bhibhlya inatiphedza tani toera kuthimbana na mathangwi manai anabweresa kutsukwala."

Cidzindikiro: Revista iyi panango inatundusa kakamwe anyamalonda.

Ntsonga Zikulu za Basa ya M'Munda

Mu nthanda ya Bingi ya 2013 takhala na numero ipswa ya kugawirwa kwa marevista akukwana 404.256. Kusiyapo numero ineyi, kugawirwa kwa mabukhu na mapfundziro a Bhibhlya athimizirikambo. Pyenepi pyakwanisika na ciphedzo ca basa ya phinga inacitwa na amwazi mphangwa onsense mu kusaka anthu akuti ali na njala yauzimu. Tisakuwangisani toera kuitiriza kukulisa cifuno ca ale anatawira mabukhu athu toera kutomesa mapfundziro a Bhibhlya.



km1404-SEN MZ
140108